

郎

潛

二

筆

燕下鄉睦錄卷五

鄞 陳康祺著

高郵王氏理學經學代爲儒宗初筆述之矣頃讀宗侍御躬恥齋文鈔稱文簡公次子彥和守潯州訪知粵逆巢藪請大府痛勦不聽觀察皖南嚴治土匪芟鋤至數百人自季弟殉節痛念

國憤家仇約束部伍志在盪決奉

命赴浙委往徽州軍營中途以勞瘁死文簡季子忠介公壽同侍御稱其於韻學能契祖庭不宣之蘊於小學經學能補庭訓未及之端分轄漢黃輿寇至力戰陣亡

良渚二集 卷三
仲子恩晉隨殉

褒旌廟食卹典極隆一家父子兄弟忠孝堂堂樹節奇偉蓋又不第仍世樸學之傳爲足力振門緒也

王觀察東槐初入臺卽以犯顏自任以鹽漕敝政請參折中開中法納米麥以代鹽課兼可裁漕運雖格不行多韙其論山東患盜劾主名大小吏十餘員斥州縣二十餘案密按皆實因受

宣廟知道光二十八年時議開礦益帑藏已

允行矣公敬陳

列聖封禁成訓謂開採者上非良吏下非良民請緩其

令事竟寢任街道時遇王府木器車橫行中路輒笞之
巡北城時訪得惡魁曹七爲民害迅禽治之輦下皆畏
憚庚戌正月議陳

先帝殊諭

郊配

廟祀二條讓善至孝裁義至精不可沿例而揜

顯謨疏上發還夜半公爲哭失聲

敬按宣宗遺命二條曾文正長禮部時

亦有專摺議禮精塙立論微婉足爲儒臣言事之鵠今存公集中

後又陳初政闕失事

關禁密未發其時經費支絀言利繁興公疏言破患貧
之見而後治本可端元氣可培人心可固其正大之氣

洵足爲古之遺直矣按周禮地官有井人井卽今礦字開礦之策在今日似不能不行而董督非人未能無弊公於咸豐初諫阻開採不可謂非碩畫忠謨噫三十年爲一世時勢變遷後先迥異豈獨此一

事與

仁宗皇帝一日召見英相國和

諭曰汝家事朕皆深悉惟當日和珅如何欲與汝締婚汝父何言以謝對曰臣年八歲和珅初爲侍郎至臣家適遇臣於門外但問臣年幾何及臣十一歲臣父爲聘故漕督阿思哈之女越二年來歸此外別無所聞迨臣父亡後大學士公阿桂向臣言當日和珅渙內務府大臣金簡爲其女作伐臣父婉辭

仁廟嗟歎久之諭曰汝父生前受和珅之謗多矣相國
因泣對不獨生前受謗身後遺摺尙爲遏抑次日蒙
特恩追賜相國父前禮部尙書德保諡文莊兄
前禮部尙書觀保諡文恭

孫修撰承恩大魁時不肯欺君賣弟事詳前筆其弟赤
崖孝廉暘實才人也以科場獄謫戍邊外蒙

恩放還已卯

聖祖南巡至蘇州問孫暘在否暘獻詩

行在有

君王猶記小臣名之句爲時傳誦夫以海隅下士曾竄

遐荒

湯網宏開

堯天重戴已是再生莫大之

恩乃事隔數年

天語拳拳猶齒及菰蘆之姓氏此則夜郎僭耳昔賢無
此遭逢想一時獻賦迎

鑾儒冠萬頂當無不感激涕零矣

常熟錢錦城牧齋宗伯孫也少承家學以詩名乞其家

副憲朝鼎爲之序嘗攜集就正新城尙書新城一見其

序卽曰家有湘靈

按湘靈名陸燦著有調
進齋集及圓硯居士集

舍之而求副

憲是欲以爵位傳也擲去不觀噫今之自刊詩文集求貴人作序其難免新城一擲者多矣

道光乙酉成郡王子載鍾病故其妻關氏未經過門情願守節經宗人府奏聞

特旨旌表金枝玉葉中亦復有此霜松雪柏足見

聖朝風教之醇化行自近也

道光二十七年正月兵部尙書金陵何恪愼公汝霖之太夫人以年躋九旬五世同堂親見七代蒙

恩賜壽於是

上命樞臣傳詢中外文武大臣有老親年屆八十以上

者悉列以聞時協辦大學士吏部尙書陳公官俊母壽九十都統祿公普浙江巡撫梁公寶常母壽均八十以上咸拜

恩賜工部尙書濱州杜公受田其尊人石樵侍郎致仕家居年亦八十有四矣

兩朝耆舊二世清華特荷良玉文綺之

賞錫賚尤爲醴渥並

御書敎忠篤慶四字匾額賜之

大內南書房後院壁有

世祖皇帝幼年習彈痕跡又桐城張文端靜海勵文端

二公在南書房每入直於阮

按阮坑炕三字皆無牀榻義今北人習呼臥榻爲阮

故鮑氏邊坐處以辮髮抵壁久而髮印漬紙至今尙存

沿用之

按此指康熙末
雍正初而言見長興鮑氏亞谷叢書

汪蛟門懋麟田綸霞雯宋牧仲舉曹頌嘉禾丁幼華又
旦顏修來光敏葉井叔封曹升六貞吉謝千仞重輝同
稱詩輦下時號十子亦見亞谷叢書

姜西溟太史與其同年李修撰蟠同典康熙己卯順天
鄉試獲咎是科鼎甲不利已見前筆矣時蓋因士論沸
騰有老姜全無辣氣小李大有甜頭之謠風聞於

上以致被逮姜竟卒於請室第前輩多紀述此事而不

能定其關節之有無昔讀鮎埼亭先生墓表稱滿朝臣僚皆知先生之無罪而王新城亦有我爲刑官令西溟以非罪死何以謝天下之語知同時公論早以西溟之連染爲冤嗣聞先師徐柳泉先生云小說紅樓夢一書卽記故相明珠家事金釵十二皆納蘭侍御所奉爲上客者也寶釵影高澹人妙玉卽影西溟先生妙爲少女姜亦婦人之美稱如玉如英義可通假妙玉以看經入園猶先生以借觀藏書就館相府以妙玉之孤潔而橫罹盜竊并被以喪身失節之名以先生之貞廉而瘐死園扉並加以嗜利受賕之謗作者蓋深痛之也徐先生

言之甚詳惜余不盡記憶此編網羅掌故從不采傳奇稗史自汙其書惟紅樓夢筆墨嫻雅屢見稱於乾嘉後名人詩文筆札偶一援引以白鄉先生千載之誣且先師遺訓也

國朝初定江浙士大夫猶沿明季遺習方州大縣立社自豪聞一知名之士則彼此爭闢入社甚至挾兵刃弓矢以劫之文酒翰墨之場至效惡少椎埋道途交鬪何其傾也相傳海甯有二社不相下一社徧致三吳諸名流推吳梅村爲祭酒舟楫絡繹數千里三月某日方過嘉興將以次日大會其泊舟處質明大書一聯於野廟

門外云鼎湖莫挽龍髯日鴛水爭持牛耳時蓋是日乃
明思陵殉國之日也見者氣沮而散

咸豐三年金陵失守中外輿論咸歸咎制府陸建瀛之
債事蓋萬口一詞矣時祁文端公弟文節公幼章方伯

以守城悲憤歐血殞命文端哭弟詩云巖巖制府公抵

掌運才智提兵扼九江庫藏悉羅致神礮五百餘盡數

充武備

原注上海購礮六百尊
僅以四十尊留備守城

京帑六十萬併取毋遺

置

原注部議三十萬給軍三
十萬守城督帥悉檄取之

遺之以危城置之於死地

又云疆帥控上游初議豈不壯舳艫互千里江皖賴保

障前茅甫遇賊一戰總戎喪翩然乃退飛踉蹌棄兵仗

匿迹歸白門吾民復奚望城下萬戶湍決各奔放大
府方閉閣猜嫌仍未忘又云追思債事繇後儒而前亢
若使謀乃進據險審所當縱退時猶紆援軍勢可仰原
時向軍門自湖北統巖城民氣固內外力足抗原注弟
兵追賊已及九江關儲糧練勇布置周密民不驚徙若前軍徐退小孤此
東西梁山重險不徹則向軍援至勝負未可量也注此
錯竟誰鑄此災實無妄讀公此詩可見制府之貽誤大
局實軍興第一罪魁嗣以薜荔黃巾身膏亂刃
顯皇帝憫其一死卽亦不復追咎封疆此正

聖朝體卹之深心包涵之大量康祺竊謂鄭祖琛何桂
清輩本以試帖楷書進身駸昧空疏浮膺節鉞猝罹禍

變顛蹶何奇沔陽制府平日賓禮賢士掣突儒書迹所
施爲尙不肯自居庸懦不意臨變失措頓喪生平以致
東南門戶江皖藩籬盡壞於九江之一著較張浚符離
之敗房琯陳陶之潰殆有過之士大夫與人家國謀人
軍師顧可不自審量貿然一出與一

平定張石洲先生穆融貫經史學窮九流山右自閩徵
君後勃率羣書斷推先生爲眉目客京師與壽陽祁相
國歙縣程侍郎及何子貞苗仙麓何願船俞理初諸君
子以絕業相切劘比年廠肆舊書遇有石洲手校之本
靡不精審康祺心竊嚮之頃讀程侍郎遺集送張石洲

歸里詩云逸氣凌參墟清眄徹水鏡朱邱延不赴書窟
臥以詠注云惠邱慕君名懸榻以待者三年卒辭不就
更可見先生之植品矣按先生初名瀛遲
祁文端公之先德鶴皋先生韻生邃于輿地掌故之學
其所著

皇朝藩部要畧西陲要畧西域釋地諸書綱領秩然甄
採有法穆然見

列聖綏養藩服長駕遠馭之規模洵必傳之作也先生
提調史館舉介休劉澄齋錫五自代總裁阿文成公問
曰此非上書某公者耶骨氣如此可勝提調任矣蓋劉

官翰林時有文章鉅公答拜稍倨嘗上書規切先輩之
取人以此

鶴皋先生于役西陲文端方十三歲太夫人課讀冬夜
視參星西沒爲度文端題朱蘭坡學士霜帷課讀圖有
云世閒冰蘖何處無我亦傷心讀此圖朔風捲地參橫
屋萬里閨門夜讀書令人誦之歎悵

衢州孔氏世稱 聖裔南宗而江蘇青浦縣城北亦有
孔宅攷孔宅志孔子二十二代孫潛字景微先居梁國
爲漢太子太傅避地會稽遂爲郡人至三十四代正爲
蘇州長史隋末亂離奉

先聖衣冠寶玉葬於大盈浦上立家廟以祀子孫家焉
又攷邑志云宋淳熙閒慧日院僧疏廟隕渠得寶玉六
事三璧二環一簪藏縣庠或云瘞于墓側殆卽長史所
藏也康熙四十四年三月

巡幸江浙塗經青浦貢監生員孫鉉等籲請

御書匾云聖蹟遺徽聯云澤衍魯邦四海人均化育裔
分吳會千秋世永蒸嘗雍正十二年

詔立五代王祠乾隆十一年禮部題準奉祀生四十四
年巡撫楊魁疏奏估修嗣後多請帑重修沿爲故事

聖代崇儒至矣極矣

康熙按青浦之名縣以邑有青村
子游曾過此也乃孔宅南遷適當

斯土實足爲山
川志乘之榮一

乾清宮每歲封寶後工部內府進鐙竿二盤龍楠木柱
高與

宮檐齊上銜五色八角圓鐙樹於東西墀中又封寶日
宮中駕幸之所以爆竹前導

宮中門聯例用白絹錦闌墨書輝映朱門色益鮮潔聯
語翰林撰寫又臘日

內廷翰林題椒屏進上謂之椒屏歲祝皆桃符遺製也
封寶前一日例進門聯立春日南齋翰林進春帖子詞
三章五言一首七言二首用硬黃矮紙小摺細書拜筆

墨牋紙之

賜

御筆福字賜近臣舊例也道光初年加

賜壽字

新正二日

重華宮茶宴聯句以上五則皆見祁文端公後欲亭集
消寒四集分詠得桃符詩注錄之以紀承平歲時之盛
江西南昌府屬之甯州毗連楚壤嘉慶三年教匪潛入
州境滋事經鄉團勦滅六年春

特諭撫臣查在事出力者分別賞給職銜並以甯州士

民急公向義錫名義甯州

嘉慶丁卯義甯州萬文恪公承風奉

命充浙江鄉試正考官

上於召見時諭之曰汝在書房年久操守朕所素信浙
江大省故令汝去又

諭曰試官因有關防地方事無從知悉若學差則不然
當據實陳奏也後果於闡中拜督學江蘇之

命蓋陛辭時已微示

意旨矣

江陰學使者署有燕喜堂爲彭文勤公侍母繆太夫人

之所簷聯云母福建兒身八歲辭家七旬就養紀實也
堂內額萱輝頤祉四字嘉慶九年相國劉文清公母大
夫人九旬時所

賜後義甯萬文恪督學江蘇奉母抵署亦居此堂文恪
思不辱齋集有燕喜堂詩

程春海侍郎爲蘭翹學士昌期晚年愛子乾隆閒學士
嘗值上書房比道光元年侍郎亦以編修奉

命在南書房行走

召諭曰汝父蘭翹先生品學朕昔年最敬汝之聲名朕
亦皆知宜更守素行時祁文端方長戶部同蒙

召見親聆

聖訓出語同朝皆榮之按侍郎後於十二年十二月復被

命入上書房課惠親王學父子相繼入上齋亦罕觀事程侍郎爲阮文達公再傳弟子例稱門人文達入相與侍郎結鄰尙以暇相講習文達校毛詩有椒其馨椒字訛馥字其訛久在六朝罕可相語者持示侍郎侍郎謂詩苾芬孝祀韓詩作馥芬孝祀馥字毛韓兩見形聲不謬於六書爲加一證侍郎又謂近人治算由九章通四元可謂發明絕學而儀器罕有傳者乃與鄭君復光有

修復古儀器之約又嘗深究開元占經謂道光七年木
火同度當有火災果驗吉地案發因水之故曹文正問
古有之乎侍郎對水齧王季墓見棺之前和見呂覽所
撰國策地名考謂孟津在河北非今孟津縣亦非古河
陽縣蒲反非舜都乃衛蒲邑以嘗入秦仍歸故曰蒲反
其援據博洽如此文達甚韙之世盛稱侍郎詩文康熙
謂侍郎亦漢儒實事求是之學不隊師門家法者也
余嘗欲輯上齋南齋故實勒爲專書以誌

本朝右文之盛旣思官非清貴學復弇鄙揚厲鋪張嫌
於非職坐是中輟前編曾記樂泉食筍齋諸典畧存澄

懷風景苦於未詳頃讀猗亭詩及義甯萬文恪公集
歙縣程侍郎遺集又得數事樂泉爲乾隆己卯歲張文
恪公泰開直上書房時得於園廬之東愛其甘冽盥以
文石繪圖徵詩公遂自號樂泉老人比嘉慶閒泉漸蕪
沒僅餘涓滴道光戊子田季高嵩年募夫極力淘濬深
八九尺甃石無恙果有泉自西北石罅涌出逾日而清
澈一泓其光可鏡環植新柳頓復舊觀同直咸有歌詠
又葉棟如閣學覲儀卜宅處有一小阜可望西山閣學
築亭其上名之曰葉亭戴文節熙作畫沈文忠兆霖作
記時道光己酉二公同直友也又祁文端於道光辛卯

率母入都筮得井之上爻已而被

命重直南齋並

詔許就養園廬因名直園屋後之井曰孚井嗣徐少空
士芬居之製竹筍爲恆升車仿區田之法試之有驗辛
丑季秋置酒邀孫文定瑞珍杜文正受田賈文端楨張
文毅芾何制軍桂清觀刈稻孫杜諸公亦當時兩齋詞
臣也又祁文端有食筍齋十詠曰竹徑齋南竹三叢當
塗手植遂以名齋東南隅兩叢西北牆下一叢文端所
補也春夏雨足筍迸地而出交柯亂葉款扉者披翠而
乃入焉曰老屋循竹而西過牆而南老屋三閒榆柳之

下園廬昔燬於火獨此屋與近光樓歸然尙存曰借春
陰館館當老屋之北檐角海棠一枝高三四丈花時與
客飲酒賦詩其下取放翁詩意名之曰東峰上有老榆
高出羣木下有樂泉清冷如鏡峰在齋東故名曰月湖
門對南湖水天一碧園木蒙密到此豁然開朗日影荷
橋石橋界南北兩湖之間荷花開時紫紅漾碧如畫舫
然曰見山臺橋東北水折處突起一小岡出館之背頂
若平臺登之可見西山曰藥坡岡自北而南尾注於齋
奇石環之高下雜植藥草桔梗數叢挺秀可愛花開如
紫玉瑣野菊綠坡入秋特盛曰雨香泚齋之後爲北湖

鎖以重岡跨以橫橋林陰四匝幽邃無盡曰洗硯池北
湖之濬藥坡之腳爰有磐石可濯可沿此十景皆文端
命名也又程侍郎直舍在東峰下有屋一區侍郎題曰
樂泉西舫又食筍齋後土阜有嘉樹三居者過者皆罔
識其名程侍郎辨爲柎因著柎賦以上俱澄懷寧故之
瑣瑣者暇日終當搜討各書分類編紀爲獲侍承明者
慶遭際也

父子同值上書房又有青陽王氏其一家蒙

眷之厚尤爲志乘所無當文僖公懿修官禮部侍郎蓮
府大司馬宗誠已爲侍講學士同扈

郎潛二筆

卷五

古

蹕東巡

睿皇帝幸翰林苑父子同席

賜宴和詩

純皇帝實錄成尙書方以詹事爲纂修

賜宴禮部而文僖公適長春官爲主席比文僖以年引退尙書卽相繼入值上齋

奎章珍器

賞賜重疊雖

睿皇帝亦嘉歎其兩世知遇忠謹自將時發

天音而垂

清問也

文端公顧八代精韜畧善射以擺牙喇從征雲南先後
參鎮南將軍襄壯公莽依圖平南大將軍襄毅公賴塔
軍比有功洊長禮部列內臣班顧公雖以武功起居家
好治經義矻矻如諸生居母喪三日不食三年不入內
立朝持大節不附執政索額圖爲所抑居要地數十年
致仕卒無以爲殮

世宗在藩邸遣王府官治其喪乃克成禮

吳三桂開藩雲南嘗割麗江邊界地賂蒙番賦籍尙留
尙書范公承勛督雲貴奏除之

漢軍王侍郎國安康熙初撫吾浙勤敏彊記所部吏民
賢不肖及姦宄姓名各有記籍摘伏如神嘗晨坐聽事
官屬以次晉謁復延見鄉里耆老問疾苦甬闔扉遽微
服行闐闐閒或單騎出入山谷訪諸不逞者立擒至官
遠近駭服會

朝議欲棄舟山徙民內地公上疏力言不可乃止卽今
之定海廳也浙人呼公曰王闔羅

鈕祜祿氏文清公格爾古德繼于清端撫直隸疏薦盧
龍令衛立鼎靈壽令陸隴其歟論翕然及

詔舉賢能九卿交推公清廉莫及

按是舉登剡牘
七人已見初筆蓋正

已薦賢惟廉吏能知廉吏也公與于公諡法皆以清字
昔之保障畿輔者足爲諸道表率如此

衛盧龍立鼎山西陽城人後行取官郎中令直隸時治
行與陸清獻公相伯仲

聖祖嘗命刑部尙書魏敏果吏部侍郎科爾坤巡察畿
內至盧龍治具不爲食啜茶一甌曰令飲盧龍一杯水
耳吾亦飲令一杯水諸大獄悉以咨之立鼎引經準律
敏果大稱善

大內文源閣藏書六萬卷裝潢經史子集以異色別之
仿隋唐舊制也每卷首各印文源閣寶上加

古稀天子圓璽

黃陂姚撫部締虞康熙十七年以禮科給事中主考江西還奏免江西進賦二百十餘萬以文字之職而議及民瘼竟邀

曠典故事未嘗有也初憲臣艾元徵請禁科道風聞言事進言者日少撫部抗疏請

聖祖檢閱

世祖朝言官章奏如何謬謬今相率以輒熟爲風恐平時無以作其敢言之氣臨事必無肯爲

皇上盡忠者頃之

紀之郎潛初筆矣頃讀武進劉禮部逢祿集歲暮懷人
詩小序有云敦行孝友厲志貞白吾不如莊傳永思通
造化學究皇墳吾不如莊珍藝精研易禮時雨潤物吾
不如張舉文文采斐然左宜右有吾不如孫淵如議論
激揚聰明特達吾不如惲子居博綜今古若無若虛吾
不如李申耆與物無忤泛應曲當吾不如陸劭聞學有
矩矱詞動魂魄吾不如董晉卿數窮天地進未見止吾
不如董方立心通倉籀筆勒金石吾不如吳山子可見
宏聞勗學之士未有不矻矻筆墨集思廣益者禮部所
舉皆同時一州之人宜曾文正薦舉人才疏稱常州奎

婁應度人才輩生洵不誣也又張茗柯門人江承之安甫受鄭氏禮虞氏易通大義禮部門人潘準彥甫夙慧嗜學通六書九疇經緯文史皆年十八卒江歙人爲常州之學潘亦常州人猶惜其秀而不實未成通儒

劉禮部爲相國文定公孫宇申受年二十五學使賞其文以廩生充拔貢時與同邑李申耆先生齊名號常州二申

乾隆甲子科前期

上聞士習不端懷挾擬題之風日甚思痛懲之

命親王大臣嚴立複檢之法得一人者賜軍役一金士

子礪及褻衣貢院內外枷杻相屬比日晡受卷入場者
寥寥也時士子多退歸寓舍將就寢矣忽傳
旨盡放進比

欽命題下曳白者乃至二千餘人下

詔切責并裁減各省中額有差

燕下鄉睦錄卷五終

燕下鄉脞錄卷六

鄞 陳康祺著

今各省鄉試官生卷什九呈薦其事始於富陽董文恭公以官生應試時乾隆庚辰秋劉文定公與介野園少宰典京兆試有同考官某素識文恭名得一卷呈介公

介公不取某曰觀其詞采富麗必董公子也

時文恪公邦達在朝

介公大怒曰科場法至嚴肅果爾卽奏聞賴文定力爲寬解乃悉取官卷付介公去取自此沿爲成例順天鄉試官生卷遂盡呈主考而外省亦然矣是科揭曉後文恪公聞文定闡中排解事退朝卽率文恭踵門謝命稱

弟子見文定孫禮部集記董文恭公遺事

乾隆間故相和珅屢奉

派預文字之役在

純皇帝聖意不過欲其追從儒臣練習文采耳而珅忤
刻特甚凡得卷非其屬意者先視其筆誤幹補處抉去
之其無筆誤則妄摘瑕疵以指甲深畫之

南巡召試數與梁文定朱文正董文恭諸公同閱試卷
或取或舍珅輒專決其謬妄可想其氣燄亦可想

董文恭公居太夫人憂常徘徊一室若有所甚憂或執
象笏擊几笏爲之裂人疑公與和珅同居樞密必有所

甚不得已者嘉慶初元珣勢益張外而封疆大吏領兵
大員內而掌銓選理財賦決獄訟主諫議持文柄之大
小臣工順其意則立榮顯稍露風采折挫隨之太傅朱
文正公以德行文學受

兩朝知遇敷歷中外垂五十年時以

內禪禮成例得進冊珣多方遏之既上珣又指摘之
純皇帝諭曰師傅之職陳善納誨體制宜爾非汝所知
也旋

召公以吏部尙書協辦大學士

仁宗作詩寄賀屬藁未竟珣取以白

上皇曰

嗣皇帝欲市恩於師傅耶

上皇色動顧董文恭公曰汝在軍機刑部之日久是於律意云何公叩頭曰

聖主無過言

上皇默然良久曰卿大臣也善爲朕以禮輔導

嗣皇帝乃降旨朱珪仍留兩廣總督之任旋又改巡撫安徽是時直內廷者無不色變震恐文恭獨從容謝過書旨而退右見劉禮部集讀此見文恭之忠亮格天深心調護真有功宗社之大臣亦由

兩朝聖人

善作

善述

止孝

止慈

訓政者一時罔極之心

傳祚者萬世無疆之業卒非僉壬所能熒聽也

嘉慶癸酉秋林清李文成等倡亂三省

上方謁

東陵回次白澗行宮猝聞禁城盜警扈

蹕諸臣多錯愕不知所計有欲奉

駕之京東調大兵成列而後進者董文恭公曰是滋亂也獻俘者且至矣卽日進次燕郊適提督英和以所統兵焚橫村及宋家莊董家莊賊穴并擒賊目迎

駕還宮三日而定論功公與托公津桂公芳盧公蔭溥英公和皆第一蔭襲有差衆謂公之臨變鎮定尤不可及云

高密李元直官御史八月章數十上最後語侵諸大臣尤切

世宗召元直及諸廷臣入厯舉中外大臣有名迹者詰

之元直抗言無所避

上徐謂諸臣曰彼言雖野心實無他翼日復

召入慰之賜荔枝數枚出於是都人呼爲顛李

吾邑八

國朝來史立庵先生大成順治乙未首魁天下鄉人至今
監稱之徒以其科第官階耳按先生貳宗伯時同人
議裁孝子節婦廩給曰彼分內事何與朝廷先生毅然
曰爲子不孝爲婦不貞亦何與朝廷必以法繩之耶議
遂寢先生性至孝會其父思之繪已容以寄亦令先生
繪已容寄父先生聞命驚恍晨夕不安故事京察六年

良濟二集 卷二
俸滿方得請假歸先生僅四年不合例乃上疏自陳曰
臣父思子不見思見子之儀容呼子不來頻呼子之名
字臣而忍此不可以爲人子亦何以爲人臣

世祖覽奏惻然特許終養及中途而父凶問至哀毀成

疾遂以養母家居

按今世說注稱先生以母病乞養爲
當事所格曰吾豈以一官易一日之

養乎遂家居十年例
應削籍遇赦免誤也先生充講官主貢舉皆有建白忠

孝大節彰彰如是詎以一甲進士二品京堂爲輕重與

台州府太平縣李氏女許嫁於林未嫁而夫死女奔其
喪奉舅姑以終林故貧族女以鍼黹營生節衣縮食有
餘卽置田產積十餘年有田六十畝因無後可立以其

田呈請學使每歲按試取第一人者主之計所入息分爲四以其三助文生之貧不能應省試者而以其一助武生知縣事某書其事入志乘乾嘉閒事也偉哉此女亦貞孝亦賢達懷清哉與天台比峻矣

幼時聞人言郭制軍琇令吳江時簞簋不飭大吏將劾之郭立誓痛改令役擔水洗縣堂及內室示民以更新後果操行峻介卒稱直臣以其事無稽姑置之偶讀新城陳侍郎用光應

詔言事摺子有云臣聞湯斌爲江南巡撫時將劾吳江縣知縣郭琇琇請見願以治行自贖斌許之遂一變而

良 卷二 三
爲良吏且致位卿貳以名臣顯是人言不盡子虛矣康熙
祺按康熙二十五年文正撫蘇嘗薦琇居心沖澹蒞事
精銳宜行取部以催徵未完議格

特旨允行授御史又三十八年春

聖祖南巡至德州見琇跪道旁

諭閣臣曰郭琇前令吳江百姓至今咸頌其人有膽量
無朋比可授湖廣總督知郭制軍之在吳江其改轍以
後必有循良慈惠深饜人心者至於居臺垣時劾河臣
靳輔治河無功劾大學士明珠余國柱結黨營私背公
納賄少詹高士奇都御史王鴻緒等招搖依附一時方

嚴抗直之聲幾使輦下栗然朝貴側目

詳見公所著華野疏稿其

丰裁氣骨作令時必已不凡特年少闊疏人言偶惑宜
文正倣厲而獎掖之不然士大夫一命甫膺甘爲墨吏
素絲已黥白璧難磨尙何晚蓋立功之可冀乎命世如
郭公仍不能揜其生平之一節有位君子庶知懼焉

姚姬傳先生主講鍾山時袁簡齋以詩號召後進先生
與異趨而往來無閒簡齋嘗以門人某屬先生願執贄
居門下先生堅辭之及簡齋死人多勸先生勿爲作墓
誌其人率皆生則依託取名歿而窮極詬厲先生曰設
余康熙間爲朱錫鬯毛大可作誌君許之乎曰是固宜

也先生曰隨園正朱毛一例耳其文采風流有可取亦何害於作誌按秀水蕭山二先生其學問有根柢其立身處世亦未肯隨逐波流隨園似微有不類然而姚先生之言公言也

邵叔山太史齊燾工東京六朝之文其玉芝堂集淵懿錦洋鯨鏗春麗駢偶家奉爲鴻寶太史溫溫不自許嘗用陳思王語僕嘗好人譏彈其文八字鐫諸小印卽此見前輩之虛心

試帖初興多尙典瞻紀文達公始變爲意格運題館閣諸公每呼此體爲紀家詩見公詩集自注

千叟宴外吏惟封疆大臣年齒及格者或得

恩旨召入餘皆弗預嘉慶丙辰奉新劉鐵樓刺史適牧通州獲與京職一體入宴人以爲榮劉繪

恩宴臚歡圖倡和成集

光山胡文良公煦著周易函微推闡精微窮搜象數與洛閩頗有異同經河南撫臣於采書之役續呈

御覽公本無諡因是書收入四庫始追

賜焉紀文達公有句云四代經神四胡氏

原註宋胡瑗有周易口義

元胡一桂有易本義附錄纂疏易學啟蒙翼傳明胡居仁有易象鈔

兩朝耆宿兩文良

原註雍正中高公其倬先諡文良

可云典切

黃烈女楚人許字同縣李子未嫁而李先逝女誓死歸
守三載矣一夕夢李子來迎次日往與母訣未及返而
卒女家執古禮葬黃氏塋旁其舅往哭之女墓忽自裂
兩家歎異乃與李合葬焉夫弟然山太史爲之傳紀文
達弔以七律二章有云延陵掛劍心相許屬國吞氊志
竟成特與人閒存大節不關兒女有私情又云延津寶
劍終雙去合浦明珠解自歸誰與重翻新樂府古來曾
唱華山畿直寫出烈女心事

陳碩士宗伯爲魯山木先生九皋之甥而姚郎中其本
師也故宗伯亦以古文名堅守桐城新城之家法山木

官夏縣三年不名一錢沒後諸子奔走衣食無恆產以
自存惜抱後人亦鬻田他姓無力以贖宗伯於道光戊
子奉

命督閩學乃出其養廉買田五十餘石爲舅氏祭產復
出八百金爲師門置田俾姚氏諸子祭掃之餘得粗給
饘粥風義如許足以激薄淳澆矣

順治六年己丑會試中式四百人閣臣七人典試前代
未有時兩廣初定二甲授參議三甲授知府進士釋褐
卽官四品亦奇遇也

順治十四年丁酉湖廣鄉試中式百六人捷南宮者至

良 卷二 三
六十四人世稱盛事時典試者檢討薛濤給事中孫光
祀也

國初掌文衡者閒用舉人出身人員不必皆甲科也康熙
二年癸卯兵部主事蔡騶充雲南鄉試正主考五年
丙午戶部王事曹首望充廣西鄉試正主考皆以拔貢
典試尤爲渥典首望兄鼎望是科以刑部外郎典試湖
廣

河南鄆陵王鳴球順治庚子解元康熙二年成進士至
六年丁未補應

殿試適其子曰溫以是科捷南宮父子同日對策

徐元夢邵基爲皇子師傅著欽天監擇日開學旋擇得二十四日吉是日清晨皇長子皇次子到學總管太監傳

旨皇子應行拜師之禮諸臣固辭遂長揖賜賚文綺筆硯之屬與雍正元年同少頃

召皇子及廷玉等六人進見

面諭曰皇子年齒雖幼然陶淑涵養之功必自幼齡始卿等可殫心教導之倘不率教卿等不妨過於嚴厲從來設教之道嚴有益而寬多損將來皇子長成自知之也

上又諄諄諭皇子師傅之教當聽受無遺見張文和公
自訂澄懷主人年譜我

朝青宮毓德家法之善較之臬陶教胄桓榮授經又遠
過已

令甲凡遇更換學政之期吏部開列與考試差諸臣姓
名候

上簡派閒有服滿病痊未與考差而奉

命視學者衆以爲異數道光年間商城程侍郎國仁方
以御史巡漕江淮舟抵通路奉督學粵東之

命尤爲

特恩而御史俸滿例可出守公屆其時

睿皇帝命部臣更例凡任學政者歲滿注選其端亦發於公比由巡撫擢貳刑部緣事左遷

宣宗登極補刑部郎中旋擢廣東布政使復內召爲少司寇仍出撫陝西貴州蓋公受

兩朝恩遇敷歷中外均不由階資平進云

丹徒戴羨門尙書以知縣起家政蹟多可紀者其知邗州時州民黃子賢等嘯聚亡命約以州試日爲亂公偵之確屆期試士如平時而密遣民壯潛赴聚謀處捕獲無漏網者人尤服其靜鎮之度受

宣宗知於是乎始

李中丞堯棟嘉道閒賢大吏也官川滇最久屢樹邊績其爲人實恂恂儒者任館職時讐校精覈爲

高宗所知一日代人撰日下舊聞考表文

高宗亟稱善嘗爲雲南山川地理圖二卷夷人圖二卷圖後各系以說又嘗勅修四川通志詳實不蕪又嘗購書以惠湖南嶽麓書院之弟子又於江甯建長干橋繕莫愁湖而誌以詩又築補梅亭於湖南節署以誌嗣美梁文定之名蹟宦轍雲馳風流四映儒臣應如是矣高士熙湖北詩錄載鍾祥楊學士炳雍正元年癸卯

恩科會元卷呈

御覽奉

硃批卓識名言不獨優於諸卷卽近科亦不見

殿試以第三人及第卽

召入內廷

賜廬園明園左側蓋不世之遇也

雍正初元四月鄉試

按李調元淡墨錄作二月誤

以張文和朱文端

兩相國主考順天九月會試仍

命二公並

召諭不拘朕定進士一百八十名名數不拘省分不限

額數有可取佳卷選出另行具奏其信任至此一

朱高安少好學用志不紛塾師嘗會飲公不與讀書不
輟師命爨夫遺以酒肉置座閒若無覩也每見古大儒
名臣循吏之行輒筆記之見余金熙朝新語康祺讀公
年譜此乃公年十八讀書龍城寺事

朱高安以康熙三十二年癸酉領江西解長洲宋太史
大業拔之落卷中評語嘉賞極至末云曠世逸才伯祥
大士之後一人而已拔冠多士以爲振靡起衰之式宋
爲大學士文恪公子揭曉相見歎曰河目海口昔惟先
公今見吾子是太史又不僅文章巨眼矣

高安撫浙崇儉獎廉諭民嫁娶之節里黨賓蜡燕會止
五簋俱有常品浙人呼爲朱公席道見一婦人盛妝問
其夫賣菜者命入署至厨下問誰爲夫人時夫人與女
奴雜作婦人莫之辨公指示之曰此炊者夫人也命留
侍夫人午飯饌惟蔬菜食畢命之出自是浙俗一變按童
通副師愧過庭筆記載高安撫浙見署前屠戶妻豔飾
倚門召入署至廳屏後指一織婦曰此我之一品夫人
試觀被服何如所作何事汝夫殺生命養家驕侈乃爾
不速改當杖懲於是聞者悚然益相勉以勤儉蓋同一
事而傳聞互異也又按袁隨園亦記此事隱其名而大
肆訕詆隨園亦通品其非笑正人得罪名教真不知是
何肺
肝

楊蓉裳員外芳燦與弟荔裳方伯揆俱有美才工儷體

人稱無錫二袁

按彭文勤公爲江蘇學政以昔主試時失楊氏兄弟也因以兄女妻揆

蓉

袁初令甘肅屢膺煩劇在伏羌時值回民田五爲亂蓉
袁先期募勇招降人登陴共守閱五日夜解圍知靈州
時嘗單騎諭散奪米饑民請借口糧設粥廠以安衆平
日坐堂皇判事罷卽手一編就几讀人以爲書癡而臨
變敏決若是故阿文成諸公極器之嗣入貲爲戶部郎
旋丁內艱貧不能治喪鬻書辦裝以歸遂不復出世咸
笑文士如珠玉組繡不適於實用觀於君何如哉
自北宋范文正公以來士大夫多仿爲義莊

本朝崇尚風義凡以義田義產敬宗收族上聞者歲不

下十百家以康祺所聞其一家父子兄弟賡續推衍立法之善及其後遺澤之長莫如江右新城陳氏陳據高貲已百年自贈光祿大夫凝齋先生道始立義田二千石其諸子金衢嚴道守誠陳州府知府守詒內閣中書守中江蘇按察使守訓內閣中書守譽先後增益學田祭田小宗義田至七千石嘉慶二十九年詳具文簿牒於縣府行省以達於部得

旨旌獎時光祿之孫倉場侍郎觀禮部侍郎用光曾孫工部侍郎希曾均在朝列具摺入謝

睿皇帝召見而垂詢焉而希曾兄浙江道御史希祖用

光姪翰林蘭祥及其他封胡羯末官曹郎監司取甲乙科者期功房從中多至數十人可謂極盛余素不談報施之說而易言福善書載降祥其理則皎然可信如陳氏者非其明徵乎先義行公嘗倡設義莊於慈谿東鄉田舍陳以贍遠族孤寡殘廢有恆給婚嫁喪葬有特飲訓釋有塾聚族有祠祀先有田塍豁有山規畫周詳壹出公手

詳見康熙所撰先型錄

惜不肖奔走南北宦學無成析薪

負荷遠媿宗衮記此爲泣然者久之

初筆所載康熙大科四布衣之一嚴繩孫方被薦初貽書京師諸公曰聞薦舉濫及賤名某雖愚自幼不希無

妄之福今行老矣無論試而見黜爲不知者所嫻笑卽不爾去就當何從哉竊謂堯舜在上而欲全草澤之身以沒餘齒詎有不得惟幸加保護時有司奉

詔敦趣引疾不許旣抵京赴吏部自陳疾不能應試狀至再四終不允

御試之日發題賦詩各一首中允僅賦省耕詩一首而出冀被放也

聖主素稔其姓字

諭閣臣曰史局不可無此人仍用翰林在職五年嘗侍宴

保和殿和

聖製昇平嘉讌詩稱

旨特命撤

御前金盤棗脯以賜又從容語左右嚴某好人中外皆知時論謂旦夕當大用而中允拂袖遽歸此固

聖天子知人之明愛才之篤而難進易退若中允真不改布衣面目者矣

聖祖朝魏蔚州李安溪諸公皆以湛深理學渥受

宸眷一時風氣遂不免以緣飾外貌高談性命爲投時嚴孫友在翰林極厭薄之嘗於衆中大聲曰吾一生所

見真道學惟睢州湯潛庵先生一人座上莫不咋舌

蒼峴山人無錫秦諭德松齡康熙己未詞科人物也先

於順治乙未入翰林以道糧案罷歸然其文集載上座

主胡山陰書

按胡名兆龍
乙未總裁

中有某久在京師素知功令

薄田五頃輸賦獨先本籍欠糧之冊絕無賤名祇以同
族婦姑遠在鄰邑平日不相聞問不知何人所使詭將
彼戶濫注卑銜逋賦三分致干

國憲直俟檄提之日方知受罪之由云云按江南逋糧
之獄搢紳連染極多葉文敏公方藹僅欠絲毫亦遭削
奪故時有採花不值一文錢之謠余已紀之郎潛初筆

矣合觀此事想見

國初憲典之嚴聞之戶部友人近年吳中風氣變本加厲蘇松膏腴之壤幾什五不爲

朝廷有有官守言責者奈何不援成例以整齊之

康熙十五年冬

天子以閩海初定思得文武兼濟之臣以綏靖之

特擢吳興祚爲福建按察使吳公籍山陰時方知無錫縣也無錫當南北孔道苦供億公抵任時前官虧帑金罷不得歸者三人役之在獄者三十餘人公慨然力爲補苴請豁官得歸役得出獄僉曰吳公生我縣田久不

清丈飛詭隱匿弊百出輸役者至破家公以入官田千餘畝賣爲役費民害遂除康熙八九年水旱洊臻公爲分鄉賑粥之法全活無算蘇州駐防兵回旗公請令箭於都統單騎彈壓有取民一雞者立笞之以故兵過而民不知其他惠政多類此宜

聖祖破格登庸以七品卑官驟遷憲長也公後撫閩平

臺一役厥功尤多

前筆所載未詳實政故復筆此

吳督部興祚仕宦四十餘年位一品所得祿賜盡以養戰士遺親故而居無一廛囊無贏金自兩廣還京師與無錫秦諭德遇於瓜洲脫粟枯魚酸寒相對諭德曰公

貧乃至此乎明日與別公喜見眉宇告諭德曰適有饌米數十石者不憂餒矣見諭德所爲公行狀從古天挺偉人樹立勛伐固無不自清操峻節中來也

順治乙未會試榜發

世祖章皇帝正留意文學命取原卷進御

覽之稱善者數四比

廷試卷進呈

世祖閱至第二人卷顧謂讀卷官傅聊城以漸曰卿知此卷爲誰傅公謝不知

世祖曰此曾元秦鉞作也朕於其書法知之拆卷果然

世祖大悅

召見南海子賜袍服比第一人

容城孫徵君奇逢爲湯文正所師事當明天啟中周旋東林黨人以節概聞天下後日益韜晦其學宗陽明而歸本於慎獨先居五公山旣渡河止蘇門人

本朝屢卻徵聘率諸弟子躬耕習三代之禮人無賢愚導以爲善蓋孟子所謂天民也近儒確守程朱者詆先生淵源之不正大非篤論

光祿寺少卿楊秘靜山康熙朝循吏也知固安預修永定河故事秋汎畢卽興工時永定河道黃某賦役錢不

均遲延及冬朝涉者股戰公意憐之許日出後下饗黃
巡工遲民之來欲答之公力爭不得乃直前牽馬至凍
處曰公能往民亦能往此時日高春公重裘尙瑟縮乃
責此赤脰者戴星來耶黃大悲將繕牒劾會巡撫李文
貞過柳家口聞其事召謂曰汝年少能然古之任延也
勞以酒解裘衣之事得釋調宛平

聖祖巡畿南固安老幼爭乞留

聖祖曰別與汝固安一好官何如一女子對曰何不別
以好官與宛平耶

聖祖大笑以爲誠許食知州俸仍令固安尋遷雲南麗

江府麗江故苗地新歸版籍公乃召土官爲典史諸里魁以頭目充令人樹榆一本畝蓄水一溝建文廟定婚喪之制期年歲熟俗爲一變民飾廟以祀號第一太守祠累遷至四川巡撫乾隆初緣言事罷再起以光少告歸公奉天人隸正黃旗籍

無錫秦補念參政弒及其族孫蒼峴諭德松齡同在翰林時人呼之曰大秦小秦大秦性方嚴同館三十餘人讀書之暇或歇而嬉語涉諧謔率相戒勿令大秦知

燕下鄉睦錄卷六終